

à



COMUNI DI SANT'ANTONI DI GADDURA

Prúincia di Sàssari

COPPIA

DITILMINAZIONI n. 17 di lu 31/01/2023

Àrea Silvízii Socio Culturali

Uffíciu Silvízii Sociali

Uggjettu: LEGGJI 9 DI NATALI 1998 N. 431, ALT. 11.
FUNDU PA' L'APPOGGJU A L'ARRENDU
ANNUALITAI 2022. APPRUAZIONI
GRADUATÓRIA PRUISÓRIA.

Registru di Settori n.5



COMUNI DI SANT'ANTONI DI GADDURA

Prùincia di Sàssari

DITILMINAZIONI

N°. 5 di lu 31/01/2023

Pruposta N° 16 di lu 27/01/2023

UGGJETTU: LEGGJI 9 DI NATALI 1998 N. 431, ALT. 11. FUNDU PA' L'APPOGGJU A L'AFFITTU ANNUALITAI 2022. APPRUAZIONI GRADUATÓRIA PRUISÓRIA.

Lu Rispunsàbili di l'Àrea Silvìzii Socio Culturali Ufficiu Silvìzii Sociali

RICHJAMATI:

- La Dilibbarazioni di lu Cunsiddu Comunali n.9 di lu 24.01.2023 chi à appruatu lu Documentu Únicu di Programmazioni (DUP) pa' lu períodu 2023/2025;
- La Dilibbarazioni di lu Cunsiddu Comunali n.10 di lu 24.01.2023 chi à appruatu lu Bilanciu di Previsioni pà l'eselcìziu currenti e lu Bilanciu pa' li tre anni 2023/2025;
- Lu Dicrettu sindacali n. 15 -21 di lu 22/07/2021, chi cunfariggja l'ingàrricu di Rispunsàbili di lu Settori socio-culturali a la Dr.ssa Viviana Pirina;

RICHJAMATA la L. 9 di Natali 1998 n° 431 alt.11, chi à postu lu Fundu Nazionali pa l'appoggju a uttiné abbitazioni in affittu destinatu a la frunitura di contributi integrativi pa' lu pacamentu di l'affitti sustinuti da núclei familiari in affittu chi ani li títuli prísti da lu Dicretu di lu Ministru di li Trabaddi Púbbrichi 7 di làmpata 1999;

VISTU lu D.M.LL.PP. supramintuatu di lu 07.06.1999 chi à stabilutu li títuli minimi rinchesti par uttiné li contributi supraditti e chi, puru, dà a li Comuni la facultai di inciltà li benefiziàrii pal mezu di pruzzidimentu a evidènzia púbblica e fulmazioni di appósita graduattória;

RICHJAMATU lu dicretu di lu Ministru di l'Infrastrutturi e di la Mubilitai Sustinibili di lu 13/07/2022;

VISTA la dilibbarazioni di Gjunta Regionali n. 29/19 di lu 22.09.2021 arricanti "Fundu pa l'appoggju a uttiné abbitazioni in affittu. Paltimentu risolsi stanziati ill'annu 2022 e criteri pà lu funziunamentu di lu Fundu Leggji 9 di natali 1998 n.431 alt.11 annualitai 2022 chi à dispostu:

- di paltí lu stanziamentu regionali e statali di lu Fundu pa l'appoggju a l'affittu, annualitai 2022, in tuttu galu a euro 21.687.047,98, a faóri di li Comuni di la Saldigna sigundu lu bisognu stóricu valutatu ill'ultimi tre bándii (annu 2019, annu 2020 mesi gjinnaggiu-abbrili, anno 2021);
- di assignà un tèlmini felmu di setti dí di paratia, da la comunicazioni da palti di lu Silvìziu Edilízia residenziali di l'avvinuta pubblicazioni di la DGR, di modu chi li Comuni possini trasmettí li dati

di avilguamentu di pruvettu pa' ditilminà lu bisognu di l'annu 2021, in piú di rittificà eventuali sbagli illi dati trasmissi finamenti a l'aduzioni di la DGR;

- di cunsintí, pa' carraggjà lu bisognu di l'anno 2022, di trattà l'economii maturati ill'anni primma;
- di appruà l'alligatu rigualdanti "Criteri pà inciltà li destinatarì e mudalitati di ditilminazioni di contributi", undi sò stati difinuiti li critèri pà l'individuazioni di li destinatarì, li mudalitati di ditilminazioni di li contributi, l'attivitali di avilguamentu di spittànzia a li Comuni;
- di appruà chi:

- 1) la licuidazioni di li risolsi regionali, da palti di li Comuni a li binifiziarìi, déchia esse fatta buchendini li risolsi ricunnotti pa' la palti di l'affittu di lu rédditu di cittadinanza (RdC);
- 2) la licuidazioni di li risolsi statali, da palti di li comuni a li binifiziarìi, déchia esse fatta cunsidarendi la dispuzioni cuntinuta ill'alt. 1, comma 6, di lu dicrettu di lu Ministru di l'Infrastrutturi e di la Mubilitai Sustiníbbili di lu 13 d'agliola 2022;

VISTI

- la ditilminazioni di la Direzioni Generali di li Trabaddi Púbbri n.1850 prot. n. 39313 di lu 11/10/2022 cun cali viniani paltuti li risolsi tra i Comuni pa' l'annualitai 2022;
- la ditilminazioni n. 2002 prot. n. 41337 del 23/10/2022 di assunzioni impegnu di spesa in faori di li comuni;
- la ditilminazioni n. 2111 prot. 42635 di lu 29/10/2022 di licuidazioni impolti in faori di li comuni;

ACCILTATU CHI è statu licuidato in faori di lu Comuni di Sant'Antoni di Gaddura pa' l'annualitai 2022 l'impoltu totali di € 32705,82 e chi so dispuníbbili li dispiú relativi a l'annu 2021 galu a € 695,57;

CUNSIDARATU CHI

- L'uffíciu scienti à pruidutu a pridispuní lu bándiu di cuncussu in uggjettu e la relativa mudulística appruati cun ditelmina n. 544 di lu 07/11/2022;
- chi la data di scadènzia pà la prisintazioni di li dummandi era stata fissata a lu 30/11/2022;

RICHJAMATA la ditilminazioni n. 710 di lu 29/12/2022 di l'uffíciu scienti undi veni prinuttata la summa posta da la Ras pa' l'annu 2022 e li dispiú relativi a l'annu 2021 par un totali di € 33401,39, dendi attu chi si saria pruidutu a assignà appena cuncruita l'istruttória lu contribuutu a dugnunu di li binifiziarìi chi aggjini di risultà ammissi a lu contribuutu in uggjettu;

DATU ATTU CHI l'uffíciu à istriutu li dummandi palvinuti chi risúltani esse 15 totali, di chisti n. 13 sò risultati ammissibili e n. 2 no ammissibili;

VISTA la graduatória pridisposta da l'uffíciu scienti e alligata a la presentì in fulmatu risilvatu ingjittendi esclusivamenti li riferimenti di lu protocollu di prisintazioni dummanda, pa' lu rispettu di la nulmativa in vigóri innant'a la privacy;

DATU ATTU CHI la graduatória venarà pubblicata innant'a lu situ internet istituzionali di l'Enti pa' la prisintazioni di eventuali ricussi amministrativi da palti di l' intarissati e felmarà dipusitata ill'uffíciu settori socio-culturali e chi passati li 10 dí da la pubblicazioni chena stà prisintatu nisciun ricussu in frà di chissu tempu, la graduatória arà caratteri definitivu;

CUNSIDARATU chi lu relativu pruidimentu è riferutu a l'attribuzioni di lu Risponsàbili di lu settóri socio-culturali;

RITENUTU chi l'istruttória priuldinata a lu presentì attu cunsenti di attistà la regularitai e la gjustesa amministrativa di l'istessu, cunfolma e pa' l'effetti di cantu disponi l'alt.147 bis di lu D.Lgs.267/2000;

RICHJAMATI

- lu D.Lgs.267/2000;
- leggjì 241/1990;
- D.lgs. 33/2013:

- Regulamentu Ue 2016/679, nótitu comu GDPR (General Data Protection Regulation);
- lu D.lgs n. 118/2011;
- lu regulamentu di cuntabilitai;
- lu regulamentu comunali innant'a l'uldinamentu generali di l'uffícii e di li silvízii;
- lu statutu comunali;

RITINUTU NIZISSÀRIU dunca pruidé a l'appruazioni di la graduatória;

DITILMINIGGJA

Pa' li muttii isprimiti in primissa, palti integranti e sustanziali di lu presentu attu;

1. **Di appruà** la graduatória pruisória relativa a lu Fundu pa' lu sustegnu pa azzidí a l'abbitazioni in affittu Pa l'annualitai 2022;
2. **Di dà attu chi:**
 - Lu presentu attu è statu aduttatu illu rispettu di li dispusizioni di l'alt. 6- bis di la leggi 241/1990;
 - la rispunsàbili di lu pruzzidimentu è la Dott.ssa Viviana Pirina Rispunsàbili di lu settóri socio-culturali;
 - lu presentu pruzzidimentu è subuldinatu a li dispusizioni privisti da lu Regulamentu Ue 2016/679, nótitu comu GDPR (General Data Protection Regulation);
 - la graduatória venarà pubblicata innant'a lu situ internet istituzionali di l'Enti cu' li riferimenti di lu protocollu dummanda illu rispettu di la nulmativa d'abali innant'a la privacy, pa' la prisintazioni di eventuali ricussi amministrativi da palti di l' intarissati e felmarà dipusitata ill'uffícii settóri socio-culturali e chi passati li 10 dí da la pubblicazioni chena stà prisintatu nisciun ricussu in frà di chissu tempu, la graduatória arà caratteri definitivu;
 - chi lu presentu pruidimentu sarà assuggjittatu a li pruzziduri chi àni apl scopu a l'assulvimentu di l'ubbrichi in tema di trasparenza e di pubblicazioni (D.lgs. 33/2013);

**Lu Rispunsàbili di l' Àrea Silvízii
SocioCulturali**

Viviana Pirina

PUBBLICAZIONE

La presente determinazione è stata pubblicata in copia all'Albo dell'Ente il
e vi rimarrà per 15 giorni.

Il Responsabile del Settore

F.to Viviana Pirina

Copia Conforme all'Originale per Uso Amministrativo.

S'Antonio di Gallura, Lì, ___/___/_____

Il Responsabile del Settore

F.to Viviana Pirina